

Fundargerð
Fundur foreldraráðs Sjálandsskóla
16. janúar 2008

Mætt voru: Guðmundur Guðnason, Hjördís Líney Pétursdóttir, Ragný Þóra Guðjohnsen, Bjarney Björnsdóttir og Helgi Grímsson

Fjallað var um:

1. Niðurstöður foreldrakönnunar í Sjálandsskóla. Frumniðurstöður liggja fyrir en endanlegar niðurstöður og skýrsla verður kynnt foreldraráði í næstu viku. Rætt var að enn væri nokkur óánægja með gæði matarins og einnig þætti foreldrum matur helst til of dýr. Nokkrir foreldrar voru óánægðir með að hefja skóladaginn 10 mínútum fyrr en á síðasta skólaári. Þá virðist þurfa að auka upplýsingagjöf skólans um námsstöðu nemenda og rætt að gott væri að fá frekari upplýsingar um nám og félagslega stöðu í vikufréttum frá kennurum. Ákveðið var að ræða frekar um könnunina á næsta fundi.
2. Rætt var almennt um niðurstöður samræmdra prófa og vísað til upplýsinga sem skólastjóri sendi foreldrum í tölvupósti um niðurstöður prófanna.
3. Rætt var að 17. janúar 2008 verði haldinn fundur fyrir foreldra og nemendur í 7. bekk um samskipti foreldra og nemenda. Páll Ólafsson unglingaráðgjafi félagsþjónustunnar í Garðabæ verður fyrirlesari.
4. Rætt var um eineltisáætlun bæjarins sem Sjálandsskóli starfar eftir. Einnig að þegar eineltismál koma upp skuli fyrst leita til umsjónarkennara, síðan til skólastjóra. Ef grunur er um einelti skuli fylgjast betur með, ræða við valda nemendur, leggja fyrir tengslakönnun o.s.frv. Rætt var um mikilvægi þess að setja nýtt starfsfólk strax inn í þær áætlanir sem eru í gildi í skólanum.
5. Forvarnastarf í skólanum rætt og ákveðið að hafa fund með foreldrafélagi vegna málsins.
6. Skólastjóri sagði frá styrk frá Norvik kr. 400.000 til kaupa á útbúnaði fyrir útikennslu. Foreldraráð fagnar öllu því sem eykur veg og vanda útikennslu enda hafa foreldrar marglýst ánægju sinni með útikennslu skólans.
7. Skólastjóri gerði grein fyrir sameiginlegu skóladagatali grunn- og leikskóla, næsta skólaárs. Átta skipulagsdagar verða að hausti fyrir skólaupphaf og 5 á skólaárinu, tveir væntanlega hluti af vetrarfríi. Fljótlega fæst endanleg niðurstaða í dagatalið og verður það kynnt á næsta fundi.

Fleira ekki gert og fundi slitið kl. 18.00